

26
VECTIGAL

LAUDUM

MATRIS

VIVENTIUM

MANES PARTHENIOS

IMMORTALES PROPUGNANS

In Anniversaria Exequiarum

Solennitate

ALMÆ SODALITATIS

MAJORIS BEATISSIMÆ

VIRGINIS

MARIÆ

AB ARCHANGELO SALUTATÆ

In Casareo & Academico Societatis JESU Collegio ad S. Clementem

Prage Erecta & Confirmata

Oratione Funebris Celebratum Anno 1701. Die Aprilis.

A REVERENDISSIMO & PERILLUSTRI DOMINO

JOANNE JULIO IGNATIO RUCZKY DE RUCZ,

Suæ Sanctitatis, & Sedis Apostolicæ Protonotario Apostolico, Sacri

Palatij Lateranensis Comite, & Districtus Boleslaviensis Archi-Episcopalis

Vicario Foraneo, Hradistij ad Iseram Decano,

Cum Licentia Superiorum.

PRAGÆ, Typis Joannis Caroli Gerzabek,



ILLUSTRISSIMO
AC
EXCELLENTISSIMO
DOMINO DOMINO
ERNESTO
JOSEPHO
SACRI ROMANI IMPERII
COMITI DE
WALDSTEIN,

Hæreditario Domino Dominiorum Hradist, Kloster, Zveretitz, Waleczovv, Studenka, Soletz, Kniezmost, Bürglitz, Kruffovvitz, Nifsburg, Dux, Oberlauthensdorff, Hiersberg, Biella, Kurzyvvod, Safatka, Koczni-
ovvitz, Magno-Skall, & Civitate Turnoviensi
super Iseram, &c. &c.

Sacræ Cæsareæ Regiæque Majestatis Intimo
Actuali Consiliario, Camerario, & Regio in Regno Bo-
hemæ Locumtenenti.

Domino Domino Suo
Gratiosissimo & Clementissimo.



ILLUSTRISIME
ET
EXCELLENTISIME
DOMINE COMES
DOMINE DOMINE
CLEMENTISIME.


QUòd hæc Oppella mea de umbris
agens, Tuis nixa auspicijs in pu-
blicum eluctetur, jussit Tua in
Matrem Virginem ubique per-
specta Illustrissima Pietas, qua etiamnum
usq; hodie Parthenijs obsequijs authoratur,
cõtinuato veterano fervore Excellentissimo
Exemplo Clarefcis. Itaque ad manus Tuas,
nihili quidem sui conscia, rudioréque miner-

va concinnata, hæc tenuis pagella confugit,
ubi se securam, & pro innata Tua in omnes
Clementissima suavitate eò saltem titulo fo-
vendam non ignorat, quòd Virgineo devo-
ta Obsequio, consecrata Encomio, Maria-
no Honori tributaria LAUDUM VECTI-
GAL MATRI VIVENTIUM deferat;
Piósque Partheniorum Clientum Manes
Immortales propugnet; Tantóque gratior
futura, quantò magis de re grata: de MORTE
SUBIUGATA ac tota destructa, pro cuiusvis
viventis voto, vitam in Mortuis nunquam
Morientibus enuntiando differit; Tibique
simul vitam in terris ità felicem, ut Ecclesiæ,
Regno, Tuo, Tuorúmque Solatio & Emo-
lumento vivas æternùm Incolumis, since-
rissimè precatur ac efflagitat.

ILLUSTRISSIMÆ TUÆ EXCELLENTIÆ

Æternùm Obstrictus

JOANNES IGNATIUS RUCZKY
DE RUCZ.



ORATIO.



Xerxes ille Rex Persarum potentissimus, orbis timor ac tremor, devictis Regibus, subjugatis Regnis ac Provincijs, subrutis montibus, ipsi etiam oceano injectis compedibus, cum de sublimi loco insuetam hominum multi-

S. Hieron:
ad Heliodo-
rum.

tudinem, & innumerabilem exercitum vidisset, flevisse dicitur: quod post centum annos nullus eorum, quos tunc cernebat, supersuturus esset. O quam citò! exorta lux in fatales umbras desinit.

S. August.
lib. de na-
tura & gra-
tia.

Pergit ulterius purpuratus Dalmata: O si possemus super talem ascendere speculam, de qua universam terram sub pedibus cerne-
remus, videre liceret admirandas mundi ruinas, gentes gentibus, Reges Regibus, regna Regis collisa; alios torqueri, alios fluctibus ab-
sorberi, alios in servitutem trahi; hic nuptias, ibi planctum; hic nasci, ibi mori; alios divitijs affluere, alios mendicare, & non
tantum Xerxis exercitum, sed totius mundi homines, qui nunc vi-
vunt in brevi spatio defuturos. Super quæ S. Augustinus lib:

S. Gregor.
lib. 12 mo-
ral.

de natura & gratia: O homo respice te ipsum qui mortalis terra-
es, & in terram ibis, circumspice ubi sunt, qui magnis fluxere
splendoribus? & ambiebant currum potestatis? Ubi insuperabiles
Imperatores? ubi qui disponebant conventus & festa? ubi vestes
pretiosæ & peregrina ornamenta? Ubi servorum turba? Ubi jocus
& lætitia? Nonne omnia pulvis & favilla nonne in paucis versibus
eorum paret memoria? respice eorum sepulchra & vide, qui servus,
qui Dominus, qui Dives, qui Pauper? Discerne si potes victum à
Rege, fortem à debili, pulchrum à deformi, vide si est aliquod in eo
signum jactantia, memorare utique natura nè extollaris. His ac-

cedit magni Gregorii doctrina: Qui considerat qualis erit in
morte, semper pavidus erit in operatione, atque inde in oculis sui

Con-

Conditoris vivet, nihil quod transeat, appetit, cunctis vita presentis desiderijs contradicit, & penè mortuum se considerat, qui moriturum se minimè ignorat; perfecta enim vita est mortis meditatio. Longævum aliquid est in hac Orbis Machina, sed Æternum nihil; omnia seriùs aut citiùs in tumultum vel ruinam præcipitantur; imò totus quantus est orbis, tot fulminibus perculsus, tot fatigatus bellis, tot montium jugis ac triumphalibus colofsis penè fractus, momento Oneri cogitur succumbere. Augusta Urbium pergama ætate fessâ, suo insepulta jacent cineri; superbæ aedes, huic, quem residuum posteritati reliquere cinerem, illud inscripserunt: jacent. Muti Palatiorû parietes tot scelerum conscij, & tandem Serâ correpti verecundiâ, suis latent in ruderibus; Magnifici illi tot Regum Principumque colossi suæ incubuere Ruinæ. Sic quidquid ortum est, Ruinam meditatur. Phosphorus vergit ad Hesperum; ortus ascendit sol, ut in occasum descendat; dies oritur, ut in noctem desinat; annus labitur, ut elabatur. Frustrâ igitur frustrâ, projecta in altum Capitolia, superbæ ædificiorum moles vestris supra humiles gazas gloriamini turribus; quid juvat, quod infractis munitioibus ferisque concludamini, si vos inermis expugnat Libitina. Edicite jam! quò abière illi magnanimi Triumphatores, quò fortissimi æquè ac fortunatissimi Alexandri! quo invicti scipiones, illa Romanæ potentia fulcra; certè hos omnes inermis Libitina marmoreis ereptos Palatijs, sepulchrali obruit saxo. Etiam ipsi, ad gentilitatis tenebras damnati Philosophi, Meridiana luce clariùs formidabilem agnoverunt Libitinæ potentiam. Sufficiat hìc vel unus Seneca ità Epist. 24. scribens. *Quotidie eheu morimur! quotidie enim demitur aliqua pars vitæ, & tunc quoque dum crescimus, vitæ decrescit; infantiam amisimus, pueritiâ pariter ac adolescentiam, usque ad hesternum diem quidquid transijt, morti in prædam cessit, & hunc ipsum quem agimus diem cum morte dividimus, nihil aequè tibi proficiet ad temperantiâ, quàm frequens cogitatio brevis avi, & hujus incerti; quidquid facis, respice ad mortem.* Ite jam illu-

Seneca
 Epist. 24.

illustres animi, & vos obscuris, qui delitescitis, angulis, ite mor-
Ad Hebraeos tales, lex universa jubet & nasci & mori. *Statutum est homi-*
os 9. *nibus semel mori.* Mors ultimum vitæ punctum, sed à quo
 pendet Æternitas, quæ paucis obtingit felix: *pauci enim ele-*
Matthæi *eti sunt.* *Arcta via est, quæ ducit ad vitam & pauci sunt, qui in*
20. *veniunt eam.* Incarnatæ Sapientiæ est Oraculum. Ex his
Matth. 7. clarè concludere licet, morte nihil formidabilius, nihil
Joel. c. 2. potentius. Diem ejusità describit Propheta Joel. *Magnus dies*
1. Petri c. 4. *Domini & terribilis valde, quis sustinebis eum?* in hoc die refe-
 rente Apostolorum Principe: *justus vix Salvabitur, impius &*
peccator ubi parebunt?

Verùm altiùs erigere in fiduciam Alma Sodalitas, quæ
Esther 15. etiam hodie, ut video, inter Tragicorum colorum catastrophes
 vidèris ponere luctus. *Non pro te, sed pro omnibus hac lex consti-*
tuta est. Tu sub auspicijs Omnipotentis Matris Viventium con-
 gregata nihil commune cum morte habes; Tu Filios tuos in
 finem Vitæ, quæ genuit vitam, contulisti; Tu mortis horridæ
 horror facta, arcus & sagittas ejus confregisti; Te vita & victo-
 ria sequitur. Quod dum ego hodie non tam demonstrare,
 quàm jam dudum demonstratum repetere meditor, vos Audi-
 tores humanissimi, gratiosè favere aures, & perorantem auf-
 cultare patienter, flagito, ut velitis.

Si quando humani ingenij magis eluxit sagacitas, tunc
 certè cùm nominis immortalitas litem indixit mortalibus, cujus
 obtinendæ lactati spebus, pleriq; solo mortis armantur contem-
 ptu, faciliùs fufuri sangvinè quàm neglegturi Nominis immor-
 talitatem. Plurimi nomen suum immortalitati inscribunt cedro,
 Piramides ac coloffos in vicinarum nubium erigunt invidiam,
 educunt in Cælos peregrino marmore palatia, eburneis laque-
 aribus suspendunt tecta, ut vel in his nominis eorum firmetur
 immortalitas. Verùm si alio vultu quàm virtutis conspicui
 famam publicè damus, nec majores exiguâ tumba, nec diu-
 turniores fragili tabula, aut erectis in columnis apparemus, quæ
 vel mole sua ruunt, vel cæli consenescent injurijs, vel edaci-
 tate

tate temporis in humilem deducuntur arenam. *Sola virtus Parens est immortalitatis*; attestante Dionysio; ipsa creat imortales, ipsa Æternitatem invehit, ipsa cælo inserit, ipsa perennaturæ famæ inscribit fastis: Nullus enim sublime æternitatis attigit fastigium virtuti non innixus; nullus ad auream perennaturæ famæ pervenit messëm, qui non per virtutis ivisset fementem; nullus ad floridas immarcescibilesque insulas annatavit, qui non per scyllas & charybdes heroica superatas virtute navigaverit; nullus ad floridum ipsa æternitate promontorium quassatam procellis jecit anchoram, cujus onerariam virtus non direxit; sive te triumphales invehant curules Capitolio, nondum fata mortisque excedis juga; sola quippe hæc excedit virtus; sive honorum fasces securisque prehendas, his minimè terretur Libitina, imò eas succidit frangitque falcibus. Frustrà igitur frustrà mortalis animi roborisque heroës, per frequentiora hostiũ agmina catafractasque acies immortalem nominis quæritis famam, eamque perennaturam militari stylo aut hostium cervicibus aut triumphalibus colossis inscribitis, etiam etiam hæc Magni Nominis elogia edax rerum consumit tempus, cujus bellaria sunt ipsæ ruinæ; Sola est & unica virtus, quæ imortale decus præbet animo, Nomen cedro auróque Æternitatis inscribit fastis; sola illa humanam prætergressa conditionem, mortales cælo insertos ipsâ donat immortalitate. Verùm ut clariùs assumptum elucidetur thema non Delphici Apollinis oracula, sed inconcussæ veritatis assumo testimonia. Non scio quo fato acciderat, horridam cæteroquin consternari mortem, totamque metu concuti; dumque de latibulo circumspicit, obviam pulmenti Ollam ingreditur, asylum speratura. Sed subito prodita, minimè substitit: *Clamaverunt enim ad Eliseum* 4. Reg. c. 4. *Filij prophetarum: Vir Dei mors in olla, mors in olla.* Miseret me tui ò misera mors! infirmum Consilium secuta, debile asylum petisti, campum, arma & te ipsam amittens. Claudite ollam sapientissimi Prophetarum filij, cælo favente, hæc vobis præda cadit; vos mortis Domitores & Dominatores, mortis mors *Osee. 13.*

facti, canite victorias, Tuba insonet: *Ubi est mors victoria tua? Ubi stimulus tuus? Nos mors tua O mors.* Mortem in olla vidimus; jam filios Prophetarum, florentissimam pientissimorum Patrum progeniem, sapientum ornatissimam hæreditatem, consideraremus; qui sunt & ubi sunt? Mariam Prophetissam esse imò & Prophetarum Reginam quis ambigat? clarum est Dionysij Carthusiani effatum: *Praelectissima Virgo dum vixit adhuc in corpore mortali interdum rapta est in divitias Gloriæ Dei, usque ad summam Trinitatis visionem, multò itaque clariùs frequentius ac diuturnius quàm Paulus & Moyses.* Dionysio consentit Antonius: *etiam in ipso conceptu vel partu B. V. datum est ut videret clarè mysteria sicut in Patria.* Confirmant id ipsum Divæ Brigittæ revelationes: *sicut Filius Dei unigenitus statim perfectum sensum habuit, qui in ejus utero humanatus fuit, ita & Maria in juniore aetate sensum & intellectum adeptæ est.* Si igitur Maria Prophetissa, Sodalibus Marianis, quid aliud sunt quàm Filij Prophetarum, quia Mariæ Filij. Ex quo concludere licet, quod ergo fuit mors Filij Prophetarum, idem & Sodalibus Marianis, quia Matris viventium Filij; Filij Prophetarum domitores mortis effecti nunquam moriendi adepti privilegium, Filij Mariæ semper vivi obtinuerunt gratiam. Mirabar semper cur Joanni Apostolo Incarnata dixerit sapientia: *sic eum volo manere*, id est, semper vivere, nunquam mori, mirabar inquam hanc Joannis præ alijs Apostolis prærogativam; at se ipso jam Christi elucidatur dictum omnisque evanescit admiratio. Joannes Mariæ Filius: *Mulier ecce Filius tuus*; mirum ergo non est si discipulus ille non moriatur, si semper vivat. A Joanne ad David digredior; qui mortem populi Israelitici Goliath Gigantem Philistæum devicit, nullâ experientiâ militiæ, nullo Loricæ usu, nulla lanceæ dexteritate aliorumve armorum habita; unde deterrebat eum Saul: *Tu non vales resistere Philistæo illi, nec pugnare adversus eum, quia puer es.* Ast David intrepidè tamen: *vadam & auferam opprobrium populi*; & cum venisset: *despexit eum Goliath: fuit enim adolescens rufus & pulcher aspectu, dixitque ei: Nunquid*

quid

*quid ego canis sum, quòd tu venis ad me cum baculo; veni dabo
 carnes tuas volatilibus cali & bestijs terræ. Gratiofa fanè invi-
 tatio! verùm intrepidus reponit David; Dabit te Dominus in
 manu mea, & percutiam te, & auferam caput tuum à te. Pul-
 chrum Solamen; sed unde David tanta fiducia? tantus Spiritus
 & audacia? auscultemus orantem: Custodi animam meam, Pſal: 85.
 quoniam Sanctus sum, saluum fac seruum tuum DEUS meus spe-
 rantem in te, respice in me & Miserere mei, da imperium puerotuo,
 & saluum fac Filium Ancille Tue. Bene habet: David Filius An- 1. Reg. c. 17
 cillæ; certa victoria. Prævaluitque David aduersum Philistaum.
 Hæc Ancilla Domini Mater Viventium terribilis ùt castrorum
 acies ordinata, David filio suo subministravit robur & fortitu-
 dinem, ut solus valeat, quod nemo alius valuit nec valere po-
 tuit, tam horrendum tam feliciter & facilè prosternere hostem,
 qui totius populi hebræi credebatur & timebatur mors infalli-
 bilis. Facilè est igitur O Filij Mariæ DD. Sodales Parthenij, ita
 pugnare; facilè è Turri eburnea hostem provocare, è Domo aurea
 cum hoste dimicare; facilè præſente terribili ùt Castrorum acie
 bellantem propugnante, ausibus impetuosus hostem impetere;
 facilè uno verbo in Janua Cali, mortem prosternere, nomenq;
 consequi immortale. Pace vestra DD: Sodales Parthenij, li-
 ceat mihi tantisper repetere acta ab antiquis secula, mausolæa
 æternitati Sacra ingredi, a tria fumosis heroum, imaginibus au-
 gusta introspicere. Quæ illæ species virorum; quàm illustres
 formæ, quàm admirandæ! Vivit adhuc, & totum uno vultu
 spirat Codes exercitum; ardet assumptis ignibus Scevola; insul-
 tant hostibus devota Patriæ Deciorum capita; Fabij Vejos fati-
 gant, Annibalem Alpes horrent, Scipio Africam premit, Pom-
 pejus triumphat, Augustus legem Orbi dicit. At mortalis hæc
 immortalitas, quia ad Gentilitatis damnata tenebras. Habeat
 igitur suum Scipionem Africa, Pompejum Roma, Annibalem
 Cannæ, nec enim Alma hæc Sodalitas suis Amilcaribus caret,
 nec ab his desiderantur Annibales; Adoro jam tot soles ipso
 occasu orientes, quot Mariæ filios. In quibus recensendis*

perexigua me circumstat sollicitudo nè nimius, maxima nè
sim infinitus: ità arduum est vel cogitatione obire singulos, quid
Univerfos! Inveniam proinde veniam, si pauciores recensue-
ro, Historico quàm Oratori similior. Prodere illos est ani-
mus, non prædicare, Adeste igitur infracti, asserti mei, te-
stes, Immortales DD. Sodalium manes; Loquatur hic de vo-
bis fama, & quos immortalitati consecravit, repræsentet.

ILLUSTRISSIMUS & EXCELLENTISSIMUS
DD. IGNATIUS CAROLUS
S. R. I. COMES DE STERNBERG, &C.

Triumphæ, quot annis Te ipsa mirabilior
Sodalitas;
Omnium de Te judicia vicisti.
Virtutis ac scientiæ externa prodigia
Infra miracula pridem posita
Ad comparationem Tuam viluerunt.
Quid ego hic alios? ubi dictis fidem adstruit

ILLUSTRISSIMUS & EXCELLENTISSIMUS
DD. IGNATIUS S. R. I. COMES
DE STERNBERG.

Etiam hodie manet controversum,
Plùsne scientiâ Curiam Vigilantissimus Præses
An Virtutibus Marianum Cœtum pientissimus Sodalis
Ornaverit.
Post multa Illustrissima facta & acta
In Regni Areopago incorruptissimus Aristides.
Terrestre numen dicerem,
Nisi quòd deputatus Regiarum Appellationum Præses
Iratu vitij, offenderetur injustitij,
Non placaretur nisi virtutibus,

Cadere

Cadere tamen debuit.

At vel in ipso occafu, nactus ortum.

In umbris IGNATIUS corufcat fereniùs.

Nihil fideri ejus nocent mortuales umbræt,

Etiam ab his affurgit Illuftriffimum.

Nec obfcuratur ;

Etli accedat ad Lucem illam, quæ eft,

Electa ut Sol

Natura enim Sideris ejus eft

Cantic. 6,

Validiorum Siderum exortu non obfcurari.

ILLUSTRISSIMUS & EXCELLENTISSIMUS

D. D. ROMEDIUS CONSTANTINUS

S. R. I. COMES DE THUN, &c.

Hic eft veræ gloriæ apex

Invitum apparere :

Cum tota laudabiliter factis emineas in vita.

Divinum quid habent Modesti hominum animi,

Ponunt & ipfi latebras latibulum suum;

Equibus tamen ceu soles nubibus intercepti,

Radios evibrant Clariores.

Dignitatis fastigio positi fupra multos,

Submiffione eunt infra omnes.

Talem femper fufpexit Sodalitas noftra

ILLUSTRISSIMUM ac EXCELLENTISSIMUM

D. D. ROMEDIUM CONSTANTINUM

S. R. I. COMITEM DE THUN.

Qui in agone pofitus vitæ & famæ integer :

Supremùm doluit ;

Non quòd vitam, fed quòd DEI ac DEI paræ obfequia poneret.

Illa enim Heroæ mentis dos eft,

In virtutum ac meritorum procurfu non confiftere.

Marianus Sodalis
Nihil non egit Sodale dignum.
Augustissimi Cæsaris intimus Consiliarius
Bonum publicum
Præsentissimis moliebatur consilijs.
Tantum igitur in tantillis Cineribus venerare Sodalitas.
Quanquam Magnorum vel cinis parvus esse non potest.
Grandescit in Marmora, assurgit in Obeliscos
Dèbitâ bene meritis Metamorphosi.

ILLUSTRISSIMUS & EXCELLENTISSIMUS
D. D. FRANCISCUS CAROLUS

LIEBSTAINSKY, S. R. I. COMES à KOLOVVRAT, &c.

Fortunæ altercantis, non fortitudinis,
Mortalitatis hic Casus est; non Francisci.

Stat Ille in Casu imperfractus,
Qui currebat in cursu indefessus.

Terram & saxum movisti, non animum.
Fregisti ô Mors rotam Fortunæ,
Non Fortunam.

Jungis gentilitiam ejus rotam feretro,
Hæc est Fortunæ pœna, non Francisci.

Quæ, ubi fatali fûsq; déque vivo volveretur cursu,
Stare cogitur,

Terminúmque cum vitæ Volubilitate figere,
Immota in sepulchro.

Gentilitia rota Tua pergit integra in cursu felicitatis,
Pergit in Æternitate nullum terminum habitura.
Stabilis in cursu virtutum.

Pergit post fata ad Factorum merita & præmia.

In hoc tantùm mutabilis,

Quòd è terra in coelo, viam acceperit,

Viam Lacteam; quia sinceram

Viam pulchram:

Quia Pulchræ ut Luna Maria.

Eccur?

ILLUSTRISSIMUS & EXCELLENTISSIMUS

DD. FRANCISCUS LIEBSTAINSKY

S. R. I. COMES à KOLOVVRAT.

Primum pietatis rudimentum posuit annis rudibus simul
& excultis

Cùm Pueritiam magnæ Virtutis Objectu superavit.

Jurares tenerioris plantæ robur Seculare,

Quod fructuum copia non fregit;

Bene tamen inclinavit, sed ad modestiam.

Miraculo par!

Ubi omnia ad fastum erigunt, non extolli.

Unam in Te adverto elationem Illustris: COMES.

Virtutibus ac meritis in tumultum porrectis

Kolovvratianum simul & Tuum nomen extulisti.

Si tua de Stilicone claudicavit veritas

Rectius de Kolovvratianorum

Domo, dixeris Claudiane:

Quæ divisa Beatos

Efficiunt, Collecta tenet.

ADMODUM REVERENDUS ac EXIMIUS

P. JOANNES DUBSKY, S. J.

SS. THEOL; DOCTOR, Coll; Novod: Rector.

Parùm de suis habet, qui Tua non apprehendit.

Seu Tu Sanctioribus pro rostris peroras

Seu Doctorum medius disputas,

Tantum pendentium ab ore Tuo aurium, dolor es,

Quando desinis.

Mirentur in Te multi plurima, ego unum.

Bellum

Bellum vitijs intulisti priùs, quàm illa nôsses,
Antè superâsti, quàm nôsse posses.
Provectus in Sublime

Doctoris, Rectoris, etiam Magnifici fastigium,
Et nec Tibi, nec nobis videris elatus.
Athenas non vidisti, & Minervam rapuisti.
Ità Virtutem Religiosam jungebas Scientiæ.
Ut & scientia Virtute, & virtus Scientiâ juvaretur,
Cessisti tandem morti humilis abiens

Ad Ancillam Domini MARIAM.

A cujus cultu, quo ad vixisti, non recesseras.
Merueras quidem, ut Mors etiam Tibi cederet,
Cui Nihil in via sese opposuit, quin illico cesserit.
Nisi iniquum cælo videretur,
Immortalium operum Hominem Divinum, inter Mortales
diutiùs Superesse.

ADMODUM REVERENDUS ac EXIMIUS

P. EMMANUEL DE BOYE, S. J.

SS. THEOL: DOCTOR. Coll; Niff: Rector.

Magnarum virtutum ac meritorum pondere pressus,
haud oppressus
Requiescit à laboribus

P. EMMANUEL,

Pretium apud Orbem nè quæfieris,
Toto vertice Tuis annuit laboribus,
Cum in suo Capite, Roma,
Te Tuâque luculenter approbavit.
Quot Collegiorum regimina recenset
Totidem Elegia tenet

Quibus

Quibus ut adderet perpetuitatem,
Conscripta duorum Martyrum immortalia gesta
posteritati reliquit.

Movit tandem cœlo invidiam.

Cum enim cogitaret agerétve immortalia,
Videri Mortalis desijt.

REVERENDISSIMUS ac ILLUSTRISSIMUS

D.D. JOANNES IGNATIUS

**DLAUHOVVESKY DE LONGA VILLA,
DEI & Apost: Sedis gratia Episc: Milevit: &c.**

Tibi injuriam ò invida fecisti Libitina
Ubi Reverendissi: D. Dlahovvesky caducis privâsti bonis,
Donasti æternis.

Exhæreditasti illum terra,
Constituisti cœli Possessorem.

Accepisti Episcopalem Tiaram,
Sed non Coronam justitiæ;

Pedô tantùm, non virtute, pedisequa-
Quid illa Tua, dejectâ omni pompa pedestris & humilis Brun-
dusium toties repetita, vult processio?

Quid noctes insomnes? quid Liberalitas?

Totam Te hic, ausim dicere, exhausisse Munificentiam.

Perorant id pientissimæ pauperum multiplicis statûs
fundationes,

Novam mutationem fecisti.

In terra coëmisti
in cœlo vendidisti.

In terra congregasti,
In cœlo fundasti.

In terra elargitus,
In cœlo recepisti.

Basilicas Sanctis ædificando,

C

Temp-

Templum Salomonis possedisti,

M A R I A M.

Verùm subsiste jam audax nimium calame, qui Icareo planè ausu (nisi quod extra fabulas) ad singulos & singulares, sub protectione Matris viventium, immortales Parthenios manes, evadere contendis. Nec tuæ facultatis est recensere omnes, nec illi, pagellæ unius augustijs arctari possunt, qui cælo tantùm capi omnes queant, æternitate numerari. Nemo succenseat; quod multos Matri viventium exasse mancipatos non adduxerim, plurimos illaudatos solo magnorum stylo veneratus sum, silentiò, nè quis immensum eorum censum à me expectaret. Quiescite jam securi: quia sub protectione Matris viventium Mariæ immortales. Tu verò Alma Sodalitas, veniam dabis, quòd in hac non luctuosa, sed deliciosa colorum catastrophe, absque lugubri figurarum nænia peroraverim; convitium enim felicissimè viventibus nunquam mortuis manibus fecissem, si in doloris catasta periodos extendere voluissem, ubi doloris nullum argumentum: nam teste Anselmo, *Maria Vita Parens, salutis Mater, Vita Mortuorum*: Stabit itaque evicta veritas hodie quo ad mundus consistet. Mori neminem, quisquis per Virtutem, Mariæ se junxerit. Eja manes Parthenij, supremum intonat classicum, consurgite Filij Vitæ, & felicissimæ Vitæ occurenti in Æternos amplexus procurrite,

D I X I.





SYLLABUS

DD. Confederatorum piè (ùt confidimus) in Domino Defunctorum

Ab Anno 1700. Die 8. Augusti usque ad Anni 1701. 30. Aprilis.

Reverendissimus ac Illustrissimus DD. Joannes Ignatius Dlahovvesky de Longa Villa, DEI & Apostolicæ Sedis Gratiâ Episcopus Milevitanus, Archi-Diæcesis Pragensis Suffraganeus, S. Metropolitanæ Ecclesiæ ad D. Vitum Præpositus, Cathedralis Litomericensis, & Regiæ ac Exemptæ Wissehradensis, Antiquissimæ Vetro-Boleslaviensis Ecclesiarum Canonicus, Hæreditarius D. in Krasilov, Zahorzicz & Hosticz. Pragæ 10. Januarij, 1701.


Reverendissimus Prænobilis ac Præcellens D. Wenceslaus Czapeck SS. Theologiæ Baccalaureus Formatus, Antiquissimæ Ecclesiæ Vetro-Boleslaviensis ad SS. Cosmam & Damianum Canonicus Proto-Notarius Apostolicus, necnon Urbis Polnensis Decanus, Vetro-Boleslaviæ 27. Januarij.

Admodum Reverendus D. Samuel Franciscus Hehn, Kralupensium & Rzecicensium Curatus. Kralupij 28. Februarij.

Admodum Reverendus ac Doctissimus D. Adalbertus Wolffgangus Czackert AA: LL. & Philosophiæ Magister Ockenavensium Curatus: Ockenaviæ 17. Martij.

Perillustris ac Generosus Dominus Rudolphus Franciscus Dobrzensky Eques de Dobrzenitz. Dominus in Dobrzenitz Chvvalkovvitz & Schvveinschädel. Dobrzenitij 22. April.

Nume-



Numerum tercentesimum horum
obitu imminutum compleverunt.

Perilluſtris ac Generoſus D. Joannes Wenceslaus Kunafch de Machovitz Dominus in Sacro Campo, Sac. Cæſar: Reg. Majeſt: Conſiliarius, Judiciorum Camera-tici & Feudalis Aſſeffor, & Viceſcriba in Regno Bohemiæ.

Admodum Reverendus ac Doctiſſimus D. Joannes Matthæus Alexius Kühnel AA: LL. & Philoſophiæ Magiſter Hofflicenſium Curatus.

Perilluſtris D. Joannes Theodorus à Rumerskűch Dominus in Pruchonicz. S. Cæſ. Reg. Majeſt: ad Cameram Au-licam Conſiliarius & Secretarius.

Illuſtriſſimus ac Magnificus DD. Albertus Leopoldus Paczinsky. S. R. I. Comes de Tenczin & magna Paczin Hereditarius Dominus in Byczin, Kravvarz, Lon, Widovv, Tatichhoff, Rudno, Kleſchoff: Sac: Cæſ: Reg: Majeſt: Conſiliarius, ac Ducatum Oppoliensis, & Rati-boriensis Cancellarius.

O. A. M. D. G.